

UEFA

PRAVILNIK O STADIONSKOJ INFRASTRUKTURI



Izdanje 2018.

Prevod sa engleskog:
Fudbalski savez Crne Gore

U svrhu primjene i tumačenja ovog pravilnika mjerodavna je isključivo verzija na engleskom jeziku (član 42 Pravilnika)

Sadržaj

Uvod

| | | |
|-------------|--|-----------|
| I. | Opšte odredbe | 4 |
| Član 1- | Oblast primjene | 4 |
| Član 2 - | Povezanost s propozicijama takmičenja | 4 |
| Član 3 - | Funkcije i odgovornosti | 4 |
| Član 4 - | Definicije pojmova | 5 |
| II. | Prostori za igrače i službena lica | 5 |
| Član 5 - | Teren za igru | 5 |
| Član 6 - | Prostor za zagrijavanje | 6 |
| Član 7 - | Gol i rezervni gol | 6 |
| Član 8 - | Klupe za rezervne igrače | 6 |
| Član 9 - | Jarboli | 6 |
| Član 10 - | Prostorije za igrače i službena lica | 6 |
| Član 11 - | Svlačionice | 6 |
| Član 12 - | Prostorija za delegata | 7 |
| Član 13 - | Prostorija za prvu pomoć za igrače i službena lica | 7 |
| Član 14 - | Prostorija za doping kontrolu | 7 |
| Član 15 - | Prostor za parkiranje | 7 |
| Član 16 - | Reflektori | 7 |
| III. | Prostori za gledaoce | 8 |
| Član 17 - | Kapacitet gledalaca | 8 |
| Član 18 - | Tribine i objekti za gledaoce | 8 |
| Član 19 - | Javni prilazi i izlazi i pravci kretanja | 9 |
| Član 20 - | Sistem rasvjete za slučajeve nužde | 9 |
| Član 21 - | Razglas | 9 |
| Član 22 - | Sanitarni objekti za gledaoce | 9 |
| Član 23 - | Prostori za pružanje prve pomoći gledaocima | 10 |
| Član 24 - | Prostori za gledaoce s invaliditetom | 10 |
| Član 25 - | VIP sjedišta i prostori za prijem | 10 |
| Član 26 - | Parking | 10 |
| Član 27 - | Kontrolna soba | 11 |
| Član 28 - | Zatvoreni televizijski sistem | 11 |
| IV. | Prostori za medije | 11 |
| Član 29 - | Radni prostor za medije | 11 |
| Član 30 - | Radni prostor za fotografe | 11 |
| Član 31 - | Sjedišta za predstavnike medija | 12 |
| Član 32 - | Platforme za kamere | 12 |
| Član 33 - | TV komentatorske pozicije | 13 |
| Član 34 - | Televizijski studiji | 13 |
| Član 35 - | Pozicije za kratke intervju | 14 |
| Član 36 - | Prostor za reportažni vozni park | 14 |
| Član 37 - | Prostorija za press konferencije | 14 |
| Član 38 - | Miks zona | 15 |

| | | |
|--------------------|---|-----------|
| V. | Završne odredbe | 16 |
| Član 39 - | Neispunjavanje uslova | 16 |
| Član 40 - | Aneksi | 16 |
| Član 41 - | Primjena | 16 |
| Član 42 - | Mjerodavnost teksta | 16 |
| Član 43 - | Usvajanje i stupanje na snagu | 16 |
| Aneks A - | Izračun prosječnog osvjetljenja reflektora (vidi članove 16.01 i 16.02.) | 17 |
| A.1 - | Definicije pojmova | 17 |
| A.2 - | Testiranje | 17 |
| Dodatak B - | Organizacija na terenu (vidi član 5.07) | 18 |

Uvod

Ovaj Pravilnik je usvojen na osnovu Člana 50 (1) *UEFA Statuta*.

I. Opšte odredbe

Član 1 – Oblast primjene

- 1.01 Ovaj se pravilnik primjenjuje uvijek kad se izričito ne primjenjuju posebni propisi koji se odnose na Uefino takmičenje.
- 1.02 On obuhvata minimalne strukturalne kriterijumume koje stadion mora ispunjavati kako bi bio klasifikovan kao UEFA kategorija 1, 2, 3 ili 4 (uzlaznim redoslijedom). Viša kategorija znači da su kriterijumi stroži i brojniji (članovi 5-38). Strukturalni kriterijumumi primjenjivi za određene kategorije navode se u obliku tabela koje prikazuju gradaciju kriterijumuma između različitih kategorija. Strukturalni kriterijumumi koji se ne navode u obliku tabela primjenjuju se na sve kategorije.
- 1.03 Ovaj pravilnik utvrđuje odgovornost za nadzor ispunjenja strukturalnih kriterijumuma za odnosnu kategoriju stadiona i određuje uslove pod kojima UEFA-ina administracija može odobriti izuzeća od pojedinog strukturalnog kriterijumuma (član 3).
- 1.04 Ovaj Pravilnik ne utiče na zakonske obaveze koje proizilaze iz nacionalnog zakonodavstva primjenjivog na stadionske objekte.

Član 2 – Povezanost s propozicijama takmičenja

- 2.01 Relevantnim UEFA propozicijama takmičenja:
 - a) utvrđena je kategorija stadiona koja je potrebna za utakmice odnosnog takmičenja;
 - b) mogu definisati dodatno i/ili propisati strožije strukturalne kriterijume za odnosnu kategoriju od onih koji su utvrđeni ovim pravilnikom.

Član 3 - Funkcije i odgovornosti

- 3.01 Svaki savez na čijoj se teritoriji igraju utakmice UEFA-inih takmičenja odgovoran je za:
 - a. pregled svakog odnosnog stadiona i za popunjavanje odgovarajućeg *online* obrasca kojim se UEFA-inoj administraciji potvrđuje da svaki stadion ispunjava strukturalne kriterijume potrebne kategorije stadiona;
 - b. potvrđivanje UEFA-inoj administraciji da su stadioni, uključujući njihove tribine i objekte (sistem rasvjete za slučajevne nužde, prostori za prvu pomoć, zaštita od upadanja gledalaca u prostor za igru, itd.) detaljno pregledani od strane nadležnih državnih organa i da su ovi pisanim putem potvrdili da stadioni zadovoljavaju sve sigurnose uslove koji su propisani važećim nacionalnim zakonima.
- 3.02 UEFA-ina administracija donosi odluke o stadionima koji će se koristiti na osnovu ranije navedenog obrasca i potvrde, te svih drugih informacija koje je prikupila UEFA. Takve su odluke konačne.
- 3.03 UEFA-ina administracija može obavljati inspekcije stadiona u bilo koje vrijeme prije i tijekom Uefinog takmičenja za koje se koriste da bi se provjerilo da li su propisani strukturalni kriterijumi ispunjeni.
- 3.04 UEFA-ina administracija može odobriti izuzetak od pojedinog strukturalnog kriterijuma u slučajevima velikih poteškoća i na obrazloženi zahtjev, na primjer zbog važećih nacionalnih

zakona ili ako bi ispunjenje svih strukturalnih kriterijuma prisililo klub ili savez da svoje utakmice na domaćem terenu igraju na teritoriji drugog saveza. Izuzeci se uvijek daju na određeno vremensko razdoblje. Takve su odluke konačne.

Član 4 - Definicije pojmova

4.01 Za svrhe ovog pravilnika, primjenjuju se sljedeće definicije:

- a) IFAB: Internacionalni bord fudbalskog saveza;
- b) Kontrolna soba: prostorija namijenjena osoblju i službenim licima koje imaju sveukupnu odgovornost za sva pitanja sigurnosti i bezbjednosti vezanih uz utakmicu, tj. za šefa policije, komesaru za bezbjednost stadiona i njihovo osoblje.
- c) VIP: vrlo važne osobe koje je organizator pozvao da prisustvuju utakmici.

4.02 U ovom pravilniku upotreba muškog roda odnosi se jednako i na ženski rod.

II. Prostori za igrače i službena lica

Član 5 - Teren za igru

5.01 Teren za igru mora biti ujednačen i ravan i u skladu sa Pravilnima fudbalske igre IFAB-a. Njegova površina mora biti zelene boje a linije bijele boje.

5.02 Na terenu za igru ne smiju biti vidljive nikakve linije osim fudbalskih, kako je to definisano Pravilima fudbalske igre IFAB-a.

5.03 Teren za igru mora u cjelini biti prekriven bilo prirodnom podlogom za igru (100% prirodna trava), pojačana prirodna trava (hybrid) ili vještačka fudbalska trava (100% vještačka vlakna).

5.04 Vještačka fudbalska trava mora:

- a. imati potreban certifikat FIFA-e, koji može biti izdat samo nakon što je odnosna trava testirana od laboratorije akreditovane od FIFA-e i nakon što je potvrđeno da ispunjava najnovije standarde FIFA-e;
- b. ispunjavati sve druge uslove važećih nacionalnih zakona (ako takvi postoje).

5.05 Stadion moraju biti konstruisani i opremljeni na način da je teren spreman za igru na dane odigravanja svih utakmica u UEFA-inoj takmičarskoj godini.

5.06 Ni jedan predmet se ne može nalaziti na udaljenosti manjoj od 21 m iznad terena za igru.

5.07 Područje neposredno uz teren za igru mora biti siguran za igrače i sudije. Sva oprema pored terena za igru kao i pripadajući strukturalni elementi moraju biti smješteni tako da ne predstavljaju nikakvu opasnost za igrače, trenere ili sudije (kako je navedeno u Aneksu B, dopušteni prostor).

5.08 Uz prije navedeno, teren za igru mora ispunjavati sljedeće uslove:

| Kategorija | Dužina | Širina | Dodatni uslov |
|------------|-------------|-----------|---|
| 1 i 2 | 100 – 105 m | 64 - 68 m | n/p |
| 3 i 4 | 105 m | 68 m | Grijanje terena i/ili pokrivka za teren (zavisno od lokacije i klimatskih uslova) |

Član 6 - *Prostor za zagrijavanje*

6.01 Prostor za zagrijavanje rezervnih igrača treba biti dostupan duž uzdužne linije iza prvog pomoćnog sudije. Mora biti prekriven travom ili vještačkom travom koja je sigurno pričvršćena za tlo, i, u idealnim uslovima, treba da bude od iste podloge kao i teren za igru. Ukoliko prostor duž uzdužne linije iza prvog pomoćnog sudije nije dostupan, mora se predvidjeti rješenje iza jednog od golova, iza reklamnih panoa (ako su postavljeni).

Član 7 - *Gol i rezervni gol*

7.01 Stative i prečke gola moraju biti izrađene od aluminija ili sličnog materijala i moraju biti okrugle ili eliptične, i ne smiju predstavljati bilo kakvu opasnost za igrače. Uz to, moraju biti u skladu sa Pravilima fudbalske igre IFAB-a, što konkretno znači da:

- a. udaljenost između stativa mora biti 7.32 m;
- b. udaljenost između donje ivice prečke i tla mora biti 2.44 m;
- c. stative i prečka gola moraju biti bijele boje i iste širine i dubine, i ne smiju biti širi od 12 cm;
- d. golovi moraju biti snažno pričvršćeni za tlo.

7.02 Rezervni gol, koji se može lako postaviti ukoliko to okolnosti zahtijevaju, mora biti dostupan na stadionu.

7.03 Osim toga, svi golovi, (uključujući i rezervni) moraju ispunjavati sljedeće zahtjeve:

| Kategorija | |
|------------|--|
| 1 i 2 | n/p |
| 3 i 4 | Nikakvi dodatni elementi u strukturi ili fizička potpora ne mogu se koristiti unutar mreže ili u njenoj neposrednoj okolini osim šipki kojima se mreža fiksira za zemlju i držača mreže iza i van mreže. Pokretni golovi se smiju koristiti. |

Član 8 - *Klupe za rezervne igrače*

8.01 Stadion mora imati dvije natkrivene klupe u visini igrališta, od kojih svaka mora imati sjedeći prostor za najmanje 14 osoba. Klupe moraju biti smještene na udaljenosti od najmanje 4m od uzdužne linije.

8.02 Za četvrtog sudiju mora biti obezbijeđena pozicija sa sjedištem i stolom, u idealnim uslovima pokrivena i između klupa za rezervne igrače.

Član 9 - *Jarboli*

9.01 Stadion mora imati najmanje 5 jarbola za zastave ili drugu vrstu odgovarajuće konstrukcije koja omogućava da se pet zastava može vijoriti na stadionu.

Član 10 - *Prostorije za igrače i službena lica*

10.01 Sve prostorije u sljedećim članovima koje se nalaze u prostoru za igrače i službena lica, moraju biti dobro osvijetljene, prozračene i/ili zagrijane, jasno označene i imati Wi-Fi.

Član 11 - *Svlačionice*

11.01 Stadioni moraju biti opremljeni najmanje jednom svlačionicam za svaku od ekipa s najmanje 5 tuševa, dva odvojena sjedeća toaleta, sjedećim prostorom za najmanje 25 osoba, jednim stolom za masažu, jednom taktičkom tablom i vješalicama za odjeću ili ormarićima.

11.02 Stadioni moraju biti opremljeni najmanje jednom svlačionicom za sudije koja zadovoljava sljedeće uslove:

| Kategorija | Minimalna oprema | Dimenzije |
|------------|--|---------------------------|
| 1 i 2 | Jedan tuš, jedan individualni sjedeći toalet, pet stolica, sto i vješalice za odjeću ili ormarići. | n/p |
| 3 i 4 | Dva tuša, jedan individualni sjedeći toalet, šest stolica, sto i vješalice ili ormarići. | Najmanje 20m ² |

11.04 Stadioni moraju garantovati direktni, odvojeni i zaštićeni prilaz za obje ekipe i sudije od njihovih svlačionica do prostora za igru.

Član 12 – Prostorija za delegata

12.01 Stadioni moraju imati prostoriju koja je isključivo rezervisana za UEFA delegata i kontrolora suđenja (ako je imenovan), s lakim pristupom do svlačionica za ekipe i sudije.

Član 13 - Prostorije za prvu pomoć za igrače i službena lica

13.01 Stadioni moraju imati prostoriju namijenjenu za prvu pomoć kako je opisano u UEFA Medicinskom pravilniku.

Član 14 – Prostorija za doping kontrolu

14.01 Stadioni moraju imati posebnu prostoriju za doping kontrolu kako je opisano u UEFA Anti-doping pravilniku.

Član 15 - Prostor za parkiranje

15.01 Prostor za parkiranje mora biti dostupan za najmanje dva autobusa i 10 automobila za ekipe i službena lica u zaštićenom i sigurnom prostoru u neposrednoj blizini ulaza za igrače i službena lica. Ukoliko takav parking nije lociran u neposrednoj blizini ulaza za igrače i službena lica, mora biti organizirano siguran i bezbjedan proctor za izlazak.

Član 16 – Reflektori

16.01 Za utakmice koje se igraju pod reflektorima, stadioni moraju biti opremljeni reflektorima koji smogu održavati prosječnu horizontalnu osvjetljenost, izmjerenu prema Aneksu A, od najmanje 350 Eh(lux).

16.02 Za utakmice koje se prenose na televiziji, stadioni moraju biti opremljeni reflektorima koji su sposobni održavati sljedeću minimalnu osvjetljenost izmjerenu prema Aneksu A:

| Kategorija | Horizontalna osvjetljenost | Vertikalna osvjetljenost |
|------------|---|---|
| 1 | Dovoljna da omogući domaćem emiteru da osigura odgovarajući televizijski prenos utakmice. | |
| 2 | 800 Eh(lux) s odnosom ujednačenosti od U1h >0.4 i U2h > 0.5 | 350 Ev(lux) na svakoj referentnoj ravni s odnosom ujednačenosti od U1 > 0.35 i U2 > 0.45 |
| 3 | 1.200 Eh(lux) s odnosom ujednačenosti od U1h > 0.4 i U2h >0.6 | 750 Ev(lux) na svakoj referentnoj plohi s odnosima ujednačenosti od U1 > 0.4 i U2 > 0.45 |
| 4 | 1.400 Eh(lux) s odnosom ujednačenosti od U1h > 0.5 i U2h > 0.7 | 1.000 Ev(lux) na svakoj referentnoj plohi s odnosima ujednačenosti od U1 > 0.4 i U2 > 0.5 |

16.03 Pored gore navedenog, da bi se osiguralo da se utakmice mogu nastaviti u slučaju nestanka električne energije, mora biti dostupan nezavisni sistem rezervnog napajanja i osigurati sljedeća prosječna horizontalna osvjetljenost:

| Kategorija | Za utakmice koje se igraju pod reflektorima | Za utakmice koje se televizijski prenose |
|------------|---|--|
| 1 | n/p | n/p |
| 2 | 350 Eh(lux) | 350 Eh(lux) |
| 3 | | 800 Eh(lux) |
| 4 | | 900 Eh(lux) ne više od 15 minuta nakon nestanka električne energije. |

III. Prostor za gledaoce

Član 17 - Kapacitet za gledaoce

17.01 Stadioni moraju imati sljedeće minimalne kapacitete za gledaoce (uključujući sva standardna i VIP sjedišta):

| Kategorija | |
|------------|-----------------|
| 1 | 200 gledalaca |
| 2 | 1.500 gledalaca |
| 3 | 4.500 gledalaca |
| 4 | 8.000 gledalaca |

17.02 Najmanje 5% ukupnog kapaciteta stadiona mora biti u odvojenom području stadiona (za gostujuće navijače).

Član 18 - Tribine i sadržaji za gledaoce

18.01 Sjedišta za gledaoce moraju biti individualna, označena brojem, pričvršćena (npr. za pod), čvrsta, izrađena od nelomljivog i nezapaljivog materijala i imati naslon minimalne visine od 30 cm, mjereno od podloge sjedišta.

18.02 Tribine moraju biti pričvršćene za temelje koji podnose opterećenja i ne mogu se oslanjati na ili sadržati cijevne konstrukcije ili skele. Materijal, dizajn i konstrukcija tribina moraju imati jasnu namjenu za trajno korišćenje.

18.03 Prostori za stajanje, terase za stajanje, platforme, klupe i sjedišta bez naslona su dozvoljeni/zabranjeni kako slijedi:

| Kategorija | |
|------------|---|
| 1 | Dozvoljeno pod uslovom da su klupe i sjedišta bez naslona čvrsto fiksirani. |
| 2 - 4 | Zabranjeno. |

18.04 Stadioni moraju biti opremljeni ugostiteljskim objektima za sve gledaoce u svakom sektoru.

18.05 Stadioni moraju biti u dobrom stanju i sve javne površine moraju biti dobro osvijetljene. Tu ne smije biti rasutog materijala (npr. kamenja, betona), koji može biti opasan, koji se može bacati ili na drugi način zlorabiti.

Član 19 – Javni prilazi i izlazi i pravci kretanja

- 19.01 Pristupni pravci stadionu, ulazi, izlazi i sve javne površine unutar stadiona moraju biti jasno označene i postavljene odgovarajuće oznake (na primjer: slovima ili brojevima) koji bi gledaoce ka i od njihovih sjedišta.
- 19.02 Svi ulazi i/ili okretne rampe moraju biti tako postavljeni da se izbjegne prenatrpanost i osigura nesmetano kretanje gledalaca.
- 19.03 Pravila ponašanja koja sadrže zabranjene predmete, idealno u obliku međunarodno priznatih piktograma, moraju biti postavljena na svakom ulazu.
- 19.04 Svi javni prilazi, izlazni pravci i pravci kretanja moraju biti jasno prepoznatljivi u odnosu na sjedeći prostor. Ulazne kapije, izlazne kapije i vrata moraju biti u funkciji i obilježeni odgovarajućim oznakama koje su univerzalno razumljive.
- 19.05 Sva vrata i kapije na stadionu koji su sastavni dio izlaznih ili evakuacionih puteva, svi izlazi koji vode iz prostora za gledaoce na teren (ako postoje), moraju:
- a. biti napravljeni tako da ostanu otključani (ali uz prisustvo obazbjeđenja) dok se gledaoci nalaze na stadionu;
 - b. se otvarati u smjeru izlaza i evakuacionih puteva.
- 19.06 Pored toga, u pogledu kontrole ulaska: stadioni moraju ispunjavati sljedeće uslove:

| Kategorija | |
|------------|--|
| 1 i 2 | n/p |
| 3 i 4 | Svi javni ulazi moraju biti opremljeni okretnim rampama i elektronskim sistemom kontrole ulaznica koji sprečavaju korišćenje falsifikovanih ulaznica i kretanje i ulazak u realnom vremenu kao i broj ulaza do središnje tačke s ciljem sprječavanja prenatrpanosti na stadionu u cjelini ili u pojedinim sektorima. Odnos bi trebao biti jedna okretna vrata na 660 sjedišta. |

Član 20 – Sistem rasvjete za slučajevne nužde

20.01 U svrhu osiguranja zaštite i usmjeravanja gledalaca i osoblja, u slučaju opšteg nestanka električne energije, stadioni moraju biti opremljeni rezervnim sistemom napajanja električnom energijom, koji je odobren od organa lokalnih vlasti i koji pokriva sva područja stadiona, uključujući sve izlaze i evakuacione puteve.

Član 21 - Razglas

- 21.01 Stadioni moraju biti opremljeni elektronskim razglasom sa zvučnicima koji su sposobni trenutno reprodukovati glasovne poruke na svim djelovima stadiona.
- 21.02 Razglas mora pokrivati prostor unutar i zvan stadiona, i biti spojen na nezavisni izvor napajanja električnom energijom.

Član 22 - Sanitarni objekti za gledaoce

22.01 Dovoljan broj čistih i higijenskih sanitarnih objekata mora biti ravnomjerno raspoređen u svim sektorima stadiona, u omjeru 80:20 za muškarce i žene. Sjedeći toaleti i pisoari moraju biti

opremljeni ispiraćima. Umivaonici, toaletni papir i dozatori sapuna moraju biti na raspolaganju i učvršćeni.

22.02 Minimalni uslovi za sanitarne objekte su sljedeći:

- a. 1 sjedeći toalet na 250 muškaraca;
- b. 1 pisoar na 125 muškaraca;
- c. 1 sjedeći toalet na 125 žena.

Član 23 - Prostor za pružanje prve pomoći gledaocima

23.01 U svakom sektoru stadiona moraju postojati u potpunosti opremljeni prostori za pružanje prve pomoći gledaocima, a koji su odobreni od nadležnih tijela lokalne vlasti.

23.02 Ovi objekti moraju biti jasno obilježeni, a pristupi tim objektima mora biti odgovarajuće označeni.

Član 24 - Prostor za gledaoce s invaliditetom

24.01 Stadion mora imati poseban pristup, izlazne pravce i sjedišta za gledaoce s invaliditetom i njihove pratiocice. Sva takva sjedišta moraju imati neometani pogled na teren za igru.

24.02 Stadioni moraju imati pristupačne objekte za osvježenje i posebne sanitarne objekte u sektorima u kojima se nalaze sjedišta za gledaoce s invaliditetom.

24.03 Jedan toalet namijenjen za osobe s invaliditetom mora biti osiguran na svakih 15 gledalaca s invaliditetom.

Član 25 - VIP sjedišta i prostor za prijem

25.01 Stadioni moraju imati sljedeći minimalni broj VIP sjedišta:

| Kategorija | |
|------------|-----|
| 1 i 2 | 50 |
| 3 | 75 |
| 4 | 100 |

25.02 VIP sjedišta moraju biti pokrivena. Ova sjedišta se moraju nalaziti na glavnoj tribini i između dvije linije šesnaesterca, što je moguće bliže središnjoj liniji.

25.03 Stadioni moraju biti opremljeni posebnim prostorom za prijem VIP gosti koji je lako dostupan iz VIP prostora.

Član 26 - Parking

26.01 Stadioni moraju imati sljedeći minimalni broj mjesta za parking koja su dostupna u sigurnom i bezbjednom prostoru za VIP goste, druge goste i osoblje:

| Kategorija | |
|------------|-----|
| 1 | 20 |
| 2 | 50 |
| 3 | 100 |
| 4 | 150 |

Član 27 - Kontrolna soba

27.01 Stadioni moraju ispunjavati sljedeće uslove u odnosu na kontrolnu sobu:

| Kategorija | Osnovno | Dodatni uslovi |
|------------|---|---|
| 1 | n/p | n/p |
| 2 | Kontrolna soba pruža cjelokupan pogled na Unutrašnjost stadiona i opremljena je opremom za radio | n/p |
| 3 i 4 | komunikaciju koja omogućava komunikaciju između osoblja i službenih lica koje su nadležne za sigurnost i bezbjednost na stadionu. | Kontrolna soba mora biti opremljena monitorima u boji koji su spojeni na televizijski sistem zatvorenog kruga i dodatne monitore koji uživo prikazuju podatke iz sistema elektronske kontrole ulaznica. |

Član 28 - Zatvoreni televizijski sistem

28.01 Stadioni moraju ispunjavati sljedeće uslove u odnosu na zatvoreni televizijski sistem:

| Kategorija | |
|------------|--|
| 1 i 2 | n/p |
| 3 i 4 | Zatvoreni televizijski sistem koji koristi nadzorne kamere u boji s PZT funkcijama („pan, tilt, „zoom“) i pokriva sve pristupe i ulaze i sve javne površine unutar stadiona. Prostor unutrašnjosti stadiona koji se ne može direktno videti iz kontrolne prostorije mora biti pokriven zatvorenim televizijskim sistemom. Kamere moraju imati mogućnost snimanja pokretnih slika, kao i fotografija. |

IV. Prostor za medije

Član 29 - Radni prostor za medije

29.01 Stadioni moraju imati najmanje jednu prostoriju opremljenu stolovima, utičnicama i internet vezom, koja se koristi kao prostor za rad predstavnike medija.

29.02 Radni prostor za medije mora imati najmanje sljedeći broj radnih pozicija za predstavnike medija:

| Kategorija | |
|------------|----|
| 1 | 10 |
| 2 | 20 |
| 3 i 4 | 30 |

Član 30 - Radni prostor za fotografe

30.01 Radni prostor za fotografe mora biti u mogućnosti da smjesti sljedeći minimalni broj radnih pozicija i zadovoljavati sljedeće dodatne uslove:

| Kategorija | Minimalni broj radnih pozicija | Dodatni uslovi |
|------------|--------------------------------|---|
| 1 i 2 | N/a | N/a |
| 3 | 15 | Radni prostor za fotografe mora biti opremljen stolovima, stolicama, utičnicama i Internet vezom i imati lak pristup igralištu. To može biti poseban dio radnog prostora za medije (s tim da se ukupna površina poveća), ali bi bolje bilo da je to posebna prostorija. |
| 4 | 20 | |

Član 31 - Sjedišta za predstavnike medija

31.01 Stadioni moraju imati sjedišta za predstavnike medija koja su rezervisana za pisane medije i radio komentatore. Moraju biti potkrivena i centralno smještena na glavnoj tribini, s nesmetanim pogledom na cijeli teren za igru i u njegovoj neposrednoj blizini i s lakim pristupom drugim prostorima za predstavnike medija.

31.02 Pored toga, stadioni moraju zadovoljavati sljedeće uslove u pogledu pokrivenih sjedišta za predstavnike medija:

| Kategorija | Minimalni broj sjedišta | Minimalni broj sjedišta sa stolovima |
|------------|-------------------------|--------------------------------------|
| 1 | 10 | 5 |
| 2 | 20 | 10 |
| 3 | 30 | 15 |
| 4 | 60 | 30 |

31.03 Svaki sto mora biti dovoljno velik da se na njega može smjestiti laptop kompjuter i opremljen utičnicom i Internet vezom.

Član 32 - Platforme za kamere

32.01 Jedna platforma za glavnu kameru mora biti postavljena na glavnoj ili suprotnoj tribini.

32.02 Platforma za glavnu kameru mora biti natkrivena, postavljena tačno u ravnini sa središnjom linijom i na visini iznad igrališta koja garantuje optimalan i nesmetan pregled cijelog terena za igru i njegovu neposrednu blizinu. Podnožje platforme mora biti ravno, čvrsto i nevibrirajuće.

32.03 Uz to, platforma za glavnu kameru mora zadovoljavati sljedeće uslove:

| Kategorija | |
|------------|--|
| 1 | Minimalno 2m širine x 2m dubine, za smještaj jedne kamere (samo za utakmice koje se prenose). |
| 2 i 3 | Najmanje 4m širine x 2m dubine, za smještaj dvije kamere. |
| 4 | Najmanje 6m širine x 2m dubine, za smještaj najmanje tri kamere, smještene na tribini koja ne gleda u sunce. |

32.04 Potrebne su sljedeće dodatne platforme za kamere:

| Kategorija | | |
|------------|---|---|
| 1 i 2 | N/p | n/p |
| 3 | Dvije platforme za kamere naspram ivice šesnaesterca, svaka od minimalno 2m širine i 2m dubine, za smještaj jedne kamere na glavnoj tribini tačno u ravnini sa ivicom šesnaesterca, na istom nivou ili višem od platforme za glavnu kameru. | n/p |
| 4 | | Jedna platforma za kameru smještenu na suprotnoj strani od glavne kamere a koja je smještena centralno na suprotnoj tribini, I još jedna platforma za kameru od minimalno 2m širine i 2m dubine na tribinama iznad svakog gola, za smještaj jedne kamere na svakoj, na visini koja omogućava nesmetan pogled na tačku za izvođenje kaznenih udaraca a iznad prečke. |

Član 33 - *TV komentatorske pozicije*

33.01 Stadioni moraju imati sljedeći minimalni broj TV komentatorskih pozicija:

| Kategorija | |
|------------|---|
| 1 | 1 (samo za utakmice koje se televizijski prenose) |
| 2 | 3 |
| 3 | 5 |
| 4 | 10 |

33.02 TV komentatorske pozicije moraju biti natkrivene i centralno smještene između linija dva šesnaesterca, na istoj strani na kojoj se nalazi i platforma za glavnu kameru. Moraju imati nesmetan pogled na cijeli teren za igru i njegovu neposrednu blizinu, omogućavati lak pristup do drugih područja za medije, i moraju biti zaštićene i do njih pristup mogu imati samo ovlaštene osobe. Mora biti dovoljno prostora iza sjedišta da se ostali komentatori mogu kretati do svojih pozicija.

33.03 Svaka komentatorska pozicija mora biti opremljena stolom minimalne širine 180cm, imati najmanje tri sjedišta, telefonsku liniju, napajanje el. energijom, rasvjetu i jednu internet vezu.

Član 34 - *Televizijski studiji*

34.01 Stadioni moraju biti opremljeni prostorijama koje ispunjavaju sljedeće uslove i ako je potrebno, mogu se koristiti kao televizijski studiji:

| Kategorija | Minimalni broj prostorija | Minimalne dimenzije | Dodatni uslovi |
|------------|---------------------------|------------------------------------|--|
| 1 i 2 | 1 prostorija | 5m dužine x 5m širine x 2.5 visine | n/p |
| 3 | 2 prostorije | 5m dužine x 5m širine x 2.5 visine | n/p |
| 4 | | | Najmanje jedan od dva TV studija mora biti tzv. panoramski studio s neometanim pogledom na cijeli teren za igru. |

Član 35 - Pozicije za kratke intervjuje

35.01 Stadioni moraju imati područje između igrališta i svlačionica koje se može koristiti za pozicije za kratke intervjuje, na kojima se mogu obavljati uživo TV i radio intervjui.

35.02 Pored gore prostora, prostor koje je određen za pozicije za kratke intervjuje mora ispunjavati sljedeće uslove:

| Kategorija | |
|------------|--|
| 1 i 2 | n/p |
| 3 i 4 | Dovoljno veliko da se mogu smjestiti najmanje četiri pozicije, svaka od 4m dubine i 3m širine. |

Član 36 - Prostor za reportažni vozni park

36.01 Stadioni moraju imati zaštićeni prostor koje se može koristiti za smještaj/parkiranje vanjskih televizijskih vozila TV kuća. Ovaj prostor mora biti sljedećih minimalnih dimenzija:

| Kategorija | |
|------------|----------------------|
| 1 | 300 m ² |
| 2 | 400 m ² |
| 3 | 600 m ² |
| 4 | 1.000 m ² |

36.02 Prostor za reportažni vozni park mora:

- biti smješten uz stadion, idealno na istoj strani na kojoj se nalazi platforma za glavnu kameru, s dostupnim napajanjem električne energije;
- biti čist, čvrst i ravan parking prostor za velika i teška vozila (tj. 43 t teške kamione);
- imati odgovarajuću drenažu kako kablovi, oprema ili vozila ne bi bili u opasnosti od kontakta sa stajaćom vodom;
- da nema nikakvih smetnji, kao što je drveće, zgrade ili ivičnjaci, i omogućavati nesmetan pristup vozilima za slučajevne nužde;
- ili osiguravati čist, neometan pogled od jugozapadnog do jugoistočnog horizonta, ili biti na udaljenosti od 50m od zasebnog područja za satelitsku vezu (mjereno od ivice područja za televizijske kamione).

Član 37 - Prostorija za press konferencije

37.01 Stadioni moraju ispunjavati sljedeće uslove u odnosu na prostoriju za press konferencije:

| Kategorija | Lokacija i oprema | Minimalni broj sjedišta |
|------------|---|-------------------------|
| 1 | Ako to prostor omogućava, prostorija za press konferencije mora biti smještena u stadionu. Može biti dio radnog prostora za medije. | N/p |
| 2 | Prostorija za press konferencije mora biti dostupna na stadionu. Može biti dio radnog prostora za medije i mora biti opremljena glavnim stolom i podijumom, platformom za kamere, razglasom (mikrofoni, zvučnici, razvodna kutija sa najmanje 16 izlaza) i odgovarajućom rasvjetom za snimanje. | 20 |
| 3 | | 30 |

| | | |
|---|---|----|
| 4 | Prostorija za press konferencije mora biti dostupna na stadionu. Mora biti opremljena glavnim stolom i podijem, platformom za kamere koja je dovoljno velika da se na nju može smjestiti minimalno 8 kamera, razglas (mikrofoni, zvučnici i razvodna kutija s minimalno 16 ulaza) te odgovarajućom rasvjetom za snimanje. | 50 |
|---|---|----|

Član 38 - Miks zona

38.01 Stadioni moraju imati prostor između svlačionica i prostora rezervisanog za autobuse ekipa koji se može koristiti kao miks zona, đe akreditovani predstavnici medija mogu intervjuisati igrače nakon utakmice.

38.02 Pored prije navedenog, miks zona mora ispunjavati sljedeće uslove:

| | |
|------------|---|
| Kategorija | |
| 1 do 3 | n/p |
| 4 | Natkrivena i dovoljnih dimenzija da se tu može smjestiti najmanje 50 predstavnika medija. |

V. Završne odredbe

Član 39 - Neispunjavanje uslova

39.01 Svako kršenje ovog pravilnika UEFA može kazniti u skladu s *UEFA Disciplinskim pravilnikom*.

Član 40 - Aneksi

40.01 Svi aneksi ovog pravilnika čine njegov sastavni dio.

Član 41 - Primjena

41.01 Uefina administracija ima pravo da donosi uputstva, directive, priručnike, vodiče ili bilo koja druga dokumenta u svrhu primjene ovog pravilnika.

41.02 Savezi i klubovi biće putem cirkularnih pisama redovno obavještavani o postojanju i izdavanju takvih dokumenata.

Član 42 - Mjerodavnost tekst

42.02 Ukoliko postoji bilo kakav nesklad u tumačenju engleske, francuske ili njemačke verzije ovog pravilnika, mjerodavna je engleska verzija.

Član 43 – Usvajanje i stupanje na snagu

43.01 Ovaj pravilnik usvojio je Izvršni odbor UEFA-e na sjednici održanoj 25. februara 2018.

43.02 Pravilnik stupa na snagu 1. maja 2018.

43.03 On zamjenjuje UEFA Pravilnik o stadionskoj infrastrukturi (izdanje 2010.).

Za Izvršni odbor UEFA-e:

Aleksander Čeferin
predsjednik

Theodore Theodoridis
generalni sekretar

Bratislava, 25. februara 2018.

ANEKS A: Izračunavanje prosječne osvjetljenosti reflektora

(vidi članove 16.01 i 16.02)

A.1 Definicije pojmova

Horizontalna osvjetljenost

Osvjetljenost koja pada na horizontalnu ravan 1m iznad terena za igru.

Vertikalna osvjetljenost

Rasvjetljenost koja pada na vertikalnu ravan 1m iznad i vertikalno na teren za igru.

Ujednačenost

Ujednačenost osvjetljenosti u odnosu na to kako je svjetlo ujednačeno raspršeno na određenoj ravni. Ujednačenost osvjetljenosti izražava se upotrebom dvaju odnosa osvjetljenosti: U1 i U2.

U1

Raspon ukupne osvjetljenosti, od minimalne do maksimalne, kojoj će biti izložena osoba ili kamera. Vrijednost U1 doprinosi vizuelnom izgledu.

U2

Razlika između normalno prilagođene ljudske ekspozicije I najmanjeg nivoa osvjetljenosti na određenoj ravni. Vrijednost U2 doprinosi vizuelnoj ugodnosti.

Lux

Jedinica za osvjetljenost na podlozi igrališta ($1\text{lx} = 1\text{lm}/\text{m}^2$).

E

Količina svjetla koje pada na podlogu na određenoj tački, mjereno u lux-ima.

A.2 Testiranje

A.2.1 Oprema za testiranje: iluminometar koji se koristi za test osvjetljenosti mora biti dovoljnog kapaciteta, sa širokougaonim svjetlosnim senzorom. Mjerač mora biti svake godine kalibrisan.

A.2.2 Postupak testiranja: Teren za igru podijeljen je u mrežu koja sadrži 96 tačaka. Na svakoj tački, sprovodi se test radi mjerenja i horizontalne (na jednom uglu) i vertikalne osvjetljenosti (u četiri različita ugla). Stoga, postupak testiranja zahtijeva ukupno 480 testova osvjetljenosti. Iluminometar mora uvijek biti smješten na tačnom uglu za namjeravano mjerenje. Osoblje koje obavlja testiranje ne smije raditi nikakve sjenke koje mogu uticati na vrijednosti. Mjerač mora biti 1m iznad podloge za igru. Vrijednosti osvjetljenosti za svaku tačku u mreži moraju biti zabilježene na relevantnom mrežnom planu.

A.2.3 Horizontalni test: Mjerač se postavlja tako da gleda prema gore, 1m iznad podloge za igru, i paralelno s igralištem, na svaku tačku mreže.

A.2.4 Vertikalni test: Mjerač se postavlja vertikalno na igralište, 1m iznad podloge za igru, na svaku tačku mreže. Metar zatim mora biti postavljen na svaku od četiri pozicije za testiranje. Pozicije za testiranje su označene na mrežnom planu za vertikalnu rasvjetljenost i one su na 0° , 90° , 180° i 270° . Ovaj se postupak mora ponavljati na svih 96 mrežnih tačaka.

A.2.5 Odnosi ujednačenosti izračunavaju se kako slijedi:

- a. $U1: E_{\min} / E_{\max}$
- b. $U2: E_{\min} / E_{\text{med}}$

DODATAK B: Organizacija na terenu (vidi član 5.07)



Konstruktivni elementi

Okolina terena

Teren za igru